

Hylli i Dritës

Ubi Spiritus Domini, ibi libertas.

(II. ad Cor. III. 17).

BIBLIOTEKA KOMBETARE
TIRANE

1. Kush shpifet? ...	Fq. 321
2. Politika	„ 334
3. Eneida e Vergilit	„ 338
4. Per historin kombtare	„ 343
5. Të sguemit e ndiesinavet politike	„ 350
6. Deli Mehmet Aga (<i>Rapsodi</i> - fund)	„ 355
7. Për fjalorin shqip	„ 360
8. Lojë të kombtare	„ 372
9. Prej kujtimeve të njëjës së burgosune në Rusi	„ 379
10. Pellagë e Hellenë	„ 383
X 11. Turgut Pasha në «Lahutë të Malcís»	„ 388
12. Gjurmime...	„ 393
13. Shtatë pllamë mjekerr e trí pllamë shtat	„ 401
14. Lajme rrokull Shqypnis	„ 407
15. Lajme rrokull botës	„ 410
16. Bibliografi	„ 415



*Drejtimi man tagrin m'í çdo artikull, qi botohet në këtë të
Perkohshme, tue ndalue njiherit edhe çdo rishtypje a perkthim.*

Kush shpifet? ...

Fletorja e Tiranës, *Arbënia*, mbas një lajmi të marrun prej Koblenz, në Germaní, me 28 Máj i a njohtote publikut shqyptár procesin, qi qeverija naciste ngrehi në Koblenz kundra klerit katolik. Në krye të lajmit, me germa të mdhá lezohej ky titull: *277 Fetarë gjykohen per imoralitet, 60 të tjerë shpëtuan dukë hikur në Hollandë*. Lajmi flet perzietas per murgët, per priftërit, per Françeskanët.

Arbënia vijoi disá heresh me këtë rubrikë, e mbas dy ditsh, me 30 Máj, flet vetem per 276, të cillët i bân të gjithë Françeskaj kur thotë: «të premtën u zhvillue seanca e dytë e gjyqjit kunder 276 franceskanëve».

Kundrejt ktij sulmi nuk kemi si bzajm. Heshtimi i jonë do t' ishte provë vertetimi e perforeim i pohimit të dhunës së fletores në fjalë.

Para se të hîjm në çashtje, po bâjm një pvetje: Vall pse *Arbënia*, veç të gjitha fletoreve shqyptare, veç tanë shtypit kombtár e ndoq e e çpalli aq me kujdes procesin e Koblenz? Si hîn e perpiqet aq ngusht me interesë e politikë shqyptare ky proces? Shka ká të bájë mnija e shtetit nacist kundra katolicizmit e njolla e procesit në Koblenz me opinionin e me publikun shqyptár? Mos ká ndonji qellim të panjohun ajo fletore? Drejtori pergjegjës, aj mund t'a dije, aj edhe do të kallzojë.

Na dijm veç një punë. Po mos t' ishin katolikë në Shqypni, *Arbënia* nuk do t' ishte interesue, më sá per boren e parvjeçme, per at proces të ngrehun me gjithë ato tantane kundra klerit katolik prej nacional-socjalistve në Germaní; po

